

序

癸丑之冬淳晤愚齋章公於長壽
縣署言動皆濟人利物事比又東
鄉陶君來幕深於醫談次案頭有
吳又可瘟疫論二帙乃章佐捷為
命吏抄本失載序例不知凡幾刻
也細讀數過見其發前人所未發

第以為奇闢已耳相與發難久之
陶漸用為筌蹄果不易也章曰如
此寶筏吾輩乃枕中乎淳慶曰敬
聞命矣然濫觴揚波聚訟逞鋒豈
徒災梨且將覆醬瓿章曰唯之否
否渠固銖較寸撫針投芥矣安見
不閉門合轍哉蓋先聖固有之秘

未經人道耳以為奇闢淺也夫大
衍之歷太極皇極之書至今不奇
闢之又何疑於異氣之論是在用
之者若得之鮮人失之庸夫豈獨
醫家者流渠芻噎而廢食溺而焚舟
將人同此心也淳輟然曰敬如命
爰偕同志孫君維章胡君克嘉等

校正捐資急付歌刷屈成并此語
焉以是為序



溫疫方論上卷目次

原病

溫疫初起

傳變不常

急政急攻

表裏分傳

熱邪散漫

內壅不汗

下後脈浮

下後脉復沉

邪氣復聚

下後身反熱

下後脉反數

因症數攻

病愈結存

下格

注意逐邪勿拘結糞

畜血

發黃

邪在胸膈

辨明傷寒時疫

發斑戰汗合論

戰汗

自汗

盜汗

狂汗

發斑

數下亡陰

解後宜養陰忌投參朮

用參宜忌有前利害之不同

下後間服緩劑

下後反痞

下後反嘔

奪液無汗

補瀉兼施

藥煩

停藥

虛煩之狂

神虛譫語

奪氣不語

老少異治

妄投破氣藥論

妄投補劑論

妄投寒涼藥論

大便

小傳

前修虛實

脈厥

脈証不應

通論上卷

延陵吳有性又可甫著

甫江徐文炳天章

樵李石 楷臨初全案

魏塘唐之柱石公

原病

病疫之由。昔以爲非其時有其氣。春應溫而反大寒。夏應熱而反大涼。秋應涼而反大熱。冬應寒而反大溫。得非時之氣。長幼之病相似。以爲疫。余論則不然。夫寒熱溫涼。乃四時之常。因風雨陰晴。稍爲損益。假令秋熱必多晴。春寒因多雨。較之亦天地之常事。未

必多疫也。傷寒與中暑感天地之常氣。疫者感天地之厲氣。在歲有多寡。在方隅有厚薄。在四時有盛衰。此氣之來。無論老少強弱。觸之者卽病。邪自口鼻而入。則其所客。內不在藏府。外不在經絡。舍於伏脊之內。去表不遠。附近於胃。乃表裏之分界。是爲半表半裏。卽鍼經所謂橫連膜原是也。胃爲十二經之海。十二經皆都會於胃。故胃氣能敷布於十二經中。而榮養百體。毫髮之間。彌所不貫。凡邪在經爲表。在胃爲裏。今邪在膜原者。正當經胃交關之所。故爲半表半

裏其熱淫之氣浮越於表經。卽能顯某經之症。如浮越於大陽。則有頭項痛。腰痛如折。如浮越於陽明。則有口痛。齒稜骨痛。鼻乾如浮。越於少陽。則有脇痛耳聾。寒熱嘔而口苦。大概觀之。邪越太陽居多。陽明次之。少陽又其次也。邪之所着。有天受有傳染。所感雖殊。其病則一。凡人口鼻之氣。通乎天氣。本氣充滿。邪不易入。本氣適逢虧欠。呼吸之間。外邪因而乘之。昔有三人。冒霧早行。空腹者死。飲酒者病。飽食者不病。疫邪所着。又何異耶。若其年氣來厲。不論強弱。正氣

稍衰者觸之卽病。則又不拘於此也。其感之深者。中而卽發。感之淺者。邪不勝正。未能頓發。或遇饑飽勞碌。憂思氣怒。正氣被傷。邪氣始得張溢營衛。運行之機。乃爲之阻。吾身之陽氣。因而屈曲。故爲病熱。其始也。格陽於內。不及於表。故先凜凜惡寒。甚則四肢厥逆。陽氣漸積。鬱極而通。則厥回而中外皆熱。至是但熱而不惡寒者。因其陽氣之週也。此際應有汗。或反無汗者。存乎邪結之輕重也。卽便有汗。乃肌表之汗。若外感在經之邪。一汗而解。今邪在半表半裏。表雖

有汗。徒損真氣。邪氣深伏。何能得解。必俟其伏邪漸退。表氣潛行於內。乃作大戰。精氣自內出。膜山以達表。振戰止而復熱。此時表裏相通。故大汗淋漓。衣被虛透。邪從汗解。此名戰汗。當卽脉靜身涼。神清氣爽。劃然而愈。然有自汗而解者。但出表爲順。卽不藥亦自愈也。伏邪未退。所有之汗止得。衛氣漸通。熱亦暫減。逾時復熱。午後潮熱者。至是鬱甚。陽氣與時消息也。自後加熱而不惡寒者。陽氣之積也。其惡寒或微或甚。因其人之陽氣盛衰也。其發熱或久或不久。或

晝夜純熱。或黎明稍減。因其感邪之輕重也。疫邪與
 瘧彷彿。但瘧不傳胃。惟疫乃傳胃。始則皆先凜凜惡
 寒。既而發熱。又非若傷寒發熱而兼惡寒也。至於伏
 邪動作。方有變症。其變或從外解。或從內陷。從外解
 者。順從內陷者。逆更有表裏先後不同。有先表而後
 裏者。有先裏而後表者。有但表而不裏者。有但裏而
 不表者。有表裏偏勝者。有表裏分傳者。有表面再表
 者。有裏而再裏者。從外解者。或發斑。或戰汗。狂汗。自
 汗。盜汗。從內陷者。胸膈痞悶。心下脹滿。或腹中痛。或

燥結便秘。或熱結傍流。或協熱下利。或嘔吐惡心。譫語唇黃。舌黑胎刺等證。因證而知變。因變而知治。此言其大略。詳見脉症治法諸條。

溫疫初起

溫疫初起。先憎寒而後發熱。日後但熱而無憎寒也。初得之二三日。其脉不浮不沉而數。晝夜發熱。日晡益甚。頭疼身痛。其時邪在伏脊之前。腸胃之後。雖有頭疼身痛。此邪熱浮越於經。不可認爲傷寒表症。輒用麻黃桂枝之類。強發其汗。此邪不在經。汗之徒傷。